



Petrus natus est apud Belgas anno circiter mil-
 lesimo quingentesimo decimoquinto. Hic
 cum adoleuisset, & prima literarum fundamenta
 in patria iecisset, Vuitebergam profectus est. Ibi
 diligentem operam literis dedit, & Philippo præ-
 ceptore usus, magnam liberalium artium usum si-
 bi comparauit, ita ut in ijs Magister crearetur. Po-
 stea in patriam reuersus, Hermanno electori Co-
 loniensi gratissimus fuit. Nam eum inter consilia-
 rios recepit, atq; eius opera in legationibus hinc
 inde ad principes sæpissimè usus est. Fridericum
 etiam comitem à Vuida, ex fratre nepotem, huic
 in omni genere literarum educandum tradidit.

Itaque Petrus hæc officia diligenter perfecit, atq; negotia suæ fidei commissa
 singulari dexteritate expediuit. Postea quoq; Embdensis Consul constitui-
 tur. In ea dignitate existens nihil intermisit, quod ad Dei gloriam, literarum
 promotionem, & patriæ honorem pertinere uideretur. Vnde etiamnum in ijs
 locis cum authoritate agnoscitur. Anon.